



MAHKAMAH TINGGI,
BANGUNAN SULTAN ABDUL SAMAD,
JALAN RAJA,
KUALA LUMPUR.

Bil: (44)dlm.JK/MA 38 Jid. IV

Tarikh: 10hb. Disember, 1992.

Hakim Kanan/Hakim,
Mahkamah Sesyen,
Semenanjung Malaysia.

Majistret,
Mahkamah Majistret,
Semenanjung Malaysia.

Pendaftar,
Mahkamah Sesyen,
Semenanjung Malaysia.

Tuan/Puan,

ARAHAN AMALAN NO. 7 TAHUN 1992

Kes-Kes Sivil di Mahkamah Rendah.

1. Yang Amat Arif Hakim Besar Malaya dengan ini mengarahkan bahawa kes-kes sivil di Mahkamah Rendah disusun semula seperti berikut:-

1.1. Kes-Kes Sivil Tidak Melebihi \$25,000

Mulai dari 1hb. Januari, 1993, kes-kes sivil yang tidak melebihi \$25,000 hendaklah didaftarkan dan dibicarakan di Mahkamah Majistret di dalam bidangkuasa sivil Mahkamah Majistret.

1.2. Pendaftaran Kes-Kes Sivil Tidak Melebihi \$25,000

Mulai dari 1hb. Januari, 1993, kes-kes sivil yang melebihi \$10,000 tetapi tidak melebihi \$25,000 yang pada masa ini didaftarkan sebagai kes Mahkamah Sesyen di bawah kod 51 hingga kod 56 hendaklah didaftarkan di bawah salah satu kod 71, 72, 73, 74, 75, 76, yang mana berkenaan, sebagai kes sivil Majistret dan dibicarakan oleh Majistret yang berkenaan.

1.3. Kes-kes Sivil Mahkamah Sesyen Yang Sedia Ada

Semua kes-kes sivil yang melebihi \$10,000 tetapi tidak melebihi \$25,000 yang telah didaftarkan sebelum 1hb. Januari, 1993 di bawah kod 51 hingga kod 56 mengikut Arahan-Arahan Amalan No. 4 Tahun 1990 dan No. 1 Tahun 1992 kecuali kes-kes yang separat bicara dengan ini dianggap telah berpindah ke Mahkamah Majistret di tempat yang sama dan hendaklah diselesaikan oleh Majistret yang berkenaan.

1.4. Kes-kes Sivil Separuh Bicara.

Semua kes-kes sivil separuh bicara yang melebihi \$10,000 tetapi tidak melebihi \$25,000 yang telah didaftarkan sebelum 1hb. Januari, 1993, di bawah kod 51 hingga kod 56, hendaklah diselesaikan oleh Hakim Mahkamah Sesyen yang berkenaan dengan secepat mungkin.

2. Fee Mahkamah

Fee Mahkamah di bawah Jadual B Kaedah-Kaedah Mahkamah Rendah 1980 adalah dipinda dan berkuatkuasa mulai 1.1.1993 seperti berikut:-

2.1. Mahkamah Majistret

2.1.1. Perenggan (b) Butiran No. 1, 10, 16 & 19, perkataan -

"jika tuntutan adalah untuk sejumlah wang yang tidak melebihi \$10,000.",

diganti dengan perkataan -

"jika prosiding adalah dalam Mahkamah Majistret".

2.1.2. Perenggan (a) Butiran No. 17, perkataan -

"jika tuntutan adalah untuk sejumlah wang yang tidak melebihi \$10,000.",

diganti dengan perkataan -

"jika prosiding adalah dalam Mahkamah Majistret"

2.2. Mahkamah Sesyen

2.2.1. Perenggan (c) Butiran No. 1, 10, 16 & 19, perkataan

"jika tuntutan adalah untuk sejumlah wang yang melebihi \$10,000.",

diganti dengan perkataan -

"jika prosiding adalah dalam Mahkamah Sesyen"

2.2.2. Perenggan (b) Butiran No. 17,

perkataan -

"jika tuntutan adalah untuk sejumlah wang yang melebihi \$10,000.",

diganti dengan perkataan -

"jika prosiding adalah dalam Mahkamah Sesyen"

3. Dengan pindaan-pindaan yang tersebut di atas kutipan Fee Mahkamah di perbezakan di antara Mahkamah Sesyen dan Mahkamah Majistret dan tidak lagi mengikut jumlah wang yang dituntut.
4. Bersama-sama ini ada disertakan Jadual Semakan Pengelasan Kod.

Abang Ali
(ABD. AZIZ BIN MOHD. ALI)
b.p. Pendaftar,
Mahkamah Tinggi Malaya,
Kuala Lumpur.

s.k.

- 1) Y.A.A. Ketua Hakim Negara.
- 2) Y.A.A. Hakim Besar Malaya.
- 3) Y.A.A. Hakim Besar Borneo - Untuk makluman.
- 4) Y.A. Hakim-Hakim Mahkamah Agung - Untuk makluman.
- 5) Y.A. Hakim-Hakim/Pesuruhjaya Kehakiman,
Mahkamah Tinggi Malaya.
- 6) Y.B. Peguam Negara Malaysia.
- 7) Ketua Setiausaha, Kementerian Undang-Undang.
- 8) Y.B. Penasihat Undang-Undang Negeri Semenanjung
Malaysia.
- 9) Timbalan Pendaftar, Mahkamah Tinggi, Kuala Lumpur.
- 10) Penolong Kanan Pendaftar,
Mahkamah Tinggi Malaya.
- 11) Pustakawan Mahkamah Agung, Kuala Lumpur.
- 12) KANUN,
Dewan Bahasa & Pustaka,
Kuala Lumpur.
- 13) Malayan Law Journal,
3 Shenton Way,
14-03 Shenton House,
Singapore 01-06
- 14) Current Law Journal,
Lot 12, Ground Floor,
Bangunan Strait Trading,
50700 Kuala Lumpur.

ARAHAN AMALAN NO: 7 TAHUN 1992

Pendaftaran Kes-Kes Mahkamah
Pengklasan Kod

<u>KOD</u>	<u>MAHKAMAH TINGGI</u>
11	Rayuan Sivil daripada Mahkamah Majistret
12	Rayuan Sivil daripada Mahkamah Sesyen
13	Semakan Sivil
14	Rayuan Cukai
15	Perujukan Tanah
16	Rayuan daripada Tribunal Pentadbiran
17	Akta Profesion Undang-Undang 1976
18	Petisyen Penerimaan masuk dan pendaftaran sebagai Peguambela dan Peguamcara
21	Prosiding Sivil oleh dan Terhadap Kerajaan
22	Guaman Sivil - Am
23	Guaman Sivil - Tort
24	Saman Pemula
25	Usul Pemula
26	Petisyen
27	Admiralti
28	Penggulungan Syarikat
29	Kebankrapan
31	Surat kuasa mentadbir
32	Probet
33	Perceraian
34	Pengangkutan
35	Guaman Distres
36	Permohonan Pelaksanaan - Perintah Larangan
37	Permohonan Pelaksanaan - Harta Alih
38	Permohonan Pelaksanaan - Harta Tak Alih
41	Rayuan Jenayah daripada Mahkamah Majistret
42	Rayuan Jenayah daripada Mahkamah Sesyen
43	Semakan Jenayah
44	Permohonan Jenayah
45	Perbicaraan Jenayah

KOD

MAHKAMAH SESYEN

BIDANG KUASA SIVIL

51	Prosiding Sivil oleh dan terhadap Kerajaan
52	Saman Sivil - Am
53	Saman Sivil - Tort
54	Permohonan Pemula
55	Petisyen
56	Permohonan Pelaksanaan
57	Siasatan Kewarganegaraan
58	Pengangkatan

BIDANG KUASA JENAYAH

61	Kes Tangkap terhadap Kakitangan Awam
62	Kes Tangkap - Am
63	Kes Saman
64	Permohonan Jenayah
65	Kes Juvana

MAHKAMAH MAJISTRET

BIDANG KUASA SIVIL

71	Prosiding Sivil oleh dan terhadap Kerajaan
72	Saman Sivil - Am
73	Saman Sivil - Tort
74	Permohonan Pemula
75	Petisyen
76	Permohonan Pelaksanaan
77	Prosedur Tuntutan Kecil di bawah Aturan 54 Kaedah-Kaedah Mahkamah Rendah 1980
78	Permohonan di bawah Akta Perempuan Bersuami & Anak-Anak (Nafkah) 1950 dan Akta Perempuan Bersuami & Anak-Anak (Penguatkuasaan Nafkah) 1968

BIDANG KUASA JENAYAH

81	Kes Komital ke Mahkamah Tinggi
82	Kes Tangkap terhadap Kakitangan Awam
83	Kes Tangkap - Am
84	Kes Juvana
85	Kes Saman Jenayah - Am
86	Kes Trafik
87	Kes Saman oleh Jabatan
88	Siasatan Kematian
89	Permohonan Jenayah